

尚書

易
物
唐
開
成
口
經

附
賈
刻
孟
子

嚴
氏
校
文

吾華立國垂數千年常
以禮教為其國維辛亥
以後政號共和談政之
士或有異同然孝弟忠
信國之常經雖舊猶新

亙古無變少年學子弱
心異說滅棄彝倫恣為
淫巧于是蘇俄赤化之
說抵隙相侵學絕道喪
重以戰亂中原陸沈在


於今日不亦痛乎今者
戰事初定教育宜先立
教莫如宗孔宗孔莫如
尊經顧考諸經古本漢
魏舊物渺邈無尋蜀宋

諸石亦皆殘毀惟唐開
成石經巋然獨存歲久
磨泐古拓亦稀百餘年
前日本縮刻多失其真
予因取唐石經善拓本

依式影摹命工鋟木印
成分贈海內外士君子
及各學校以為絃歌講
習之資予意無他冀於
洪水猛獸之時一昌明

夫正教拒楊墨於今日
弭赤禍於將來亦如孟
子所云正人心息邪說
拒諛行放淫辭而已大
雅宏達幸教督之

民國十五年丙寅六月
掖縣張宗昌序



大正六年舊曆歲於人日

新歲福

子所云

耕線新歲昌

丙午年丙寅六月

經者萬世不易之常道也舉凡綱紀人倫範圍
天下之大法無不悉具乎其中昭然若日星秩
然如河嶽終身行之有所不能盡一旦違之則
天地乖睽百維失度立有淪胥之禍焉甚矣古
聖之所以經緯斯世者至弘且遠也自三代以
來經訓昭垂建立民極雖世有隆污而綱常道
德之教固深入人心莫敢顯然叛戾之者獨至
近世學子惑於異域邪說幾欲舉數千年相傳

之禮教一掃而盡去之初但騰於口說繼乃見
諸施行而風俗之頽壞禍變之仳離遂爲穹古
所未有此真斯民之奇禍比諸洪水猛獸而尤
甚者也義威上將軍掖縣張公怒焉憂之嘗以
數十萬衆鼓行南北掃清淮海奠定京畿赫赫
之功固已在天下矣顧獨以爲龕亂靖暴乃一
時之權宜而非正本清源之治也非闢邪說遏
橫流導斯民一返於敦龐渾穆之風則亂本不

鋤仍有潛滋暗長之懼爰於整戎經武之暇諮
訪賓寮求所以提倡正學開示後進者於是慨
然有唐石經之刻可謂知治世之本者矣夫濁
浪滔天之際而濟之以舟梁昏霾暗室之中而
輝之以霞日彼迷謬沈溺惑世誣民之倫有不
懼然而神驚憬然而嚮往者乎異日政治脩明
乾坤底定雍熙和樂之休實基於此然則公之
表章經學其轉移世運之功固不在玉帳龍韜

下也復備位中樞布政之暇於斯役嘗有所商
榷故爲揚扅大畧而識其端云

中華民國十有六年丁卯冬十月濟寧潘復序



例言

一漢熹平四年詔諸儒正五經文字刻石立太學門外是爲石經之始厥後若魏若唐若蜀若宋嘉祐紹興各立石經其字體則古文篆隸正書雖遞有變遷而楷法源流於茲可溯今漢魏蜀宋諸石經均已殘毀惟唐開成石壁十二經及五經文字九經字樣巋然獨存嚴氏可均稱爲天地間經本之最完最舊縱不能復古可以之匡今者洵篤論也然而歷年旣久剝蝕已多不亟謀流傳久遠之方恐石本就湮學者益無所取證爰取石刻本依原拓字體影摹鋟木以存老成典型之意非敢謂昌明經學有裨於世道人心亦以傳播舊刻冀免古籍淪亡云爾

一唐石禮記以明皇刪定李林甫等所注月令爲第一宋景祐二年從賈昌朝之請以鄭司農所注月令復入禮記爲第五其刪定者自爲唐月令別行相傳至今未變日本松崎氏縮刻唐石經即改用鄭注月令列爲第五是矣然失唐石之真茲仍唐石之舊以刪定月令冠首其泐損處即按汲冢周書淮南子原文補之其李林甫等序文缺二十六字嚴可均謂朱氏經義考載全文凡改二十九字皆謬則仍原缺不補一開成石經明嘉靖地震以前全文拓本今已絕不可得萬歷間西安府學訓導薛繼愚生員王堯典等曾刻石補缺顧炎武據以作九經誤字嚴可均謂其有誣石經明人補缺遂爲世所詬病實則明人補缺別爲一石不與原石相淆後人每

以舊拓完善相尚率取補缺文字剪配裱冊偶不加察致受其誣耳與其矜舊拓以誣石經毋寧徵近拓以存真相而忍堂主人取新拓整張經文與仁和魏稼孫開成石經圖攷相符者依樣鉤摹按其橫列次第以十二行爲一葉界以直線每行十字或九字或十一字及旁增小字悉依之題首隸書並仍其舊字有殘缺按儀徵阮元覆刻宋槧十行本注疏之經文雙鉤補入以示區別惟補文既非石刻原字遇唐諱不復缺筆

一五經文字三卷九經字樣一卷休寧戴震曰朱錫鬯以五經文字獨無雕本爲一缺事然周順德二年尚書左丞兼判國子監事田敏獻印板書五經文字九經字樣各二部奏稱臣